

Crisis Theologica

Cárdenes, Juan de

Sevilla, 1687

Cap. IV. An extenda sit ea doctrina ad eos, qui eliguntur ad Beneficia
Parochialia?

[urn:nbn:de:hbz:466:1-75689](#)

sentandum dignorem ad munus Episcopale, aut Cardinalitum, subiaceat huic damnationi? Et respondeo, hanc questionem pendere ab altera; scilicet an Concilium Tridentinum, cum decernit, ad munus Episcopale, & Cardinalitum eligendos esse digniores, loquatur etiam de presentandis à Patronis laicis? Nam cum hæc damnatio reprobet intelligentiam pravā circa id verbum *Digniores*, quod ponit Concilium, in eodem sensu, quo loquitur Concilium, debet etiam intellegi ea damnatio.

31. Respondeo ergo, eam opinionem subiacere huic damnationi. Ratio est. Nam Concilium Tridentinum ad munus Episcopale, & Cardinalitum ita requirit digniores, ut nullum apponat discriminem inter eligendos ab Ecclesiasticis Praefulibus, & eligendos à Patronis laicis, imò & hos etiam expresse comprehendit, vt ostendi supra in confirm. 3. Et quidem in eadem sess. 24. cap. 18. de Reformat. cum tradidisset, ad Ecclesiam Parochialem eligendum esse dignorem, subiungit: *Quod si ius Patronatus laicorum fuerit, beat, qui à Patrono presentatus fuerit, ab eisdem deputatis, vt supra, examinari, & non, nisi idoneus repertus fuerit, admitti.* Cum ergo Concilium in eligendis ad Ecclesiam Parochialem, distinguat inter eligendos à Praefule Ecclesiastico & nominandos à Patrono laico; & hos admittat, quamvis non constet, eos esse digniores, dummodo constet esse dignos; in eligendis vero ad Ecclesiam Cathedram semper insistat in electione dignioris, sine ulla distinctione Patroni laici, aut Ecclesiastici, imò expresse comprehendens laicum; dicendum absolute est, Concilium requirere ad munus Episcopale digniores, sive ab Ecclesiastico, sive à laico nominandi sint.

CAPUT IV.

An extendenda sit ea doctrina ad eos, qui eliguntur ad Beneficia Parochialia?

SVMMARIVM.

Tres quæstiones discutienda. n. 32.

Ex Decreto Tridentini elector Ecclesiasticus ad Beneficium Parochiale tenetur eligere dignorem. n. 33.

Ad idem tenetur iure naturali. num. 34

Obiectio solutio. num. 35. & seqq.

Ex Decreto expresso Tridentini non constat, quod Patronus laicus debet eligere dignorem. num. 37.

Ex mente Tridentini colligitur, quod Patronus laicus tenetur eligere dignorem. num. 38. & seqq.

Qua ratione oposita opinio subiaceat damnationi. num. 40.

Obiectio solvitur, & explicatur, quomodo intelligenda sit obligatio iuris naturalis. num.

An qui resignat Beneficium Curatum favore alterius, teneatur resignare favore dignioris? n. 44. & seqq.

32. **N**on desunt, qui doceant, eam doctrinam non esse extendendam ad eos, qui eliguntur ad Beneficia Parochialia, neque esse obligationem eligendi digniores, sed sufficere, si eligantur digni. Ita Authors, quos supra retuli initio capit. 2. Circa quām difficultatem tres quæstiones occurunt. Prima est, an sit iuxta præscriptum Concilij Tridentini, quod quando electio pertinet ad Praelatum Ecclesiasticum, debeant eligi digniores. Secunda, quid quando præsentat Patronus laicus. Tertia, an hæc damnatio comprehendat.

hendat electionem ad Beneficia, ita ut sit scandalosum dicere, non debere eligi dignorem ad eiusmodi Beneficia? Et quidem non inquirimus modo, an ad Parochialia debeant eligi digniores; supponimus enim, esse tenetam sententiam affirmativam, sed an id sit iuxta præscriptum Concilij Tridentini? Quia cum hæc damnatio loquatur de intelligentia relati decreti Tridentini; oportet prius examinare, quid sit statutum à Tridentino circa hanc materiam.

33. Circa primam quæstionem sit prima conclusio. Ex Decreto Tridentini Episcopus, vel Patronus Ecclesiasticus, præmisso examine, tenetur eligere dignorem. Constat ex sess. 24. cap. 18. de Reform. ibi: *Ex hisque Episcopus eum eligat, quem ceteris magis idoneum iudicaverit, &c.* Censeo etiam, idem decerni in eodem Decreto de Reform. cap. 1. Nam quamvis præcipue loquatur ibi Tridentinum de Episcoporum, & S. R. E. Cardinalium electione, in præmio capituli loquitur generaliter de omnibus Curam animarum habentibus, illis verbis: *Nihil se ad Dei gloriam, & populorum salutem, utilius posse facere, quam se bonos Pastores, & Ecclesia gubernandæ idoneos promoveri studeat.* Quæ verba videntur esse generalia, & quæ omnes animarū Curam habentes, comprehendant. Et quamvis ibi dicat *Bonos*, & non dicat *Meliores*; id tamen præmitit, vt postea declareret, promoveri debere digniores.

34. Dicendum ergo est, hos omnes teneri ad id obligatione iuris naturalis. Quod probatur eadem ratione, qua id ostendimus de electione Episcoporum. Etenim iure naturæ tenentur eligere ad gubernationem spiritualem Parochiæ eum, qui habeat omnia requisita ad tale munus; cū ergo adeo difficile sit pervenire illū,

qui habeat omnia, si iste non cognoscitur evidenter esse talis, debet eligi, qui plura ex requisitis habuerit, qui propterea erit dignior.

35. Dices, sed quid, si dentur duo, qui habeant omnia requisita, quamvis inæqualiter, ita ut unus perfectius illa habeat, quam alter? Nam in tali casu etiam ille minus perfectus habet omnia requisita; & ideo licet sit minus dignus, poterit eligi.

36. Sed contra est: nam moraliter loquendo, illa minor perfectio non potest dignosci ab electoribus, nisi quia deest aliquid requisitum: maxime quia ad Curam animarum requiruntur talenta in summo gradu moraliter cognoscibili, unde si non habet talenta in summo gradu moraliter cognoscibili, utique non habet omnia requisita. Et ideo optime dixit Lugo Card. in ea sect. 2. num. 19.

Experientia probat in ijs locis, unum Lugo.

Parochium zelo, & fervore flagrantem in fluere brevi tempore spiritum, & pietatem in omnes fere illos, qui ad eius Curam pertinent. Et sane qui cognoscit, quanti momenti sit Cura animarum in ordine ad salutem æternam, non dubitabit, cum zelum, & fervorem, qualem proponit Lugo, esse unum ex requisitis ad minus Parochiale, & illud dici posse, esse in summo gradu. Dum ergo non cognoscitur is zelus in tam sublimi gradu, in aliquo ex ijs, qui aspirant ad minus Parochiale, debet eligi is, qui magis accedit ad eum gradum, ceteris paribus; & idem dicendum est de reliquis talentis requisitis.

37. Circa secundam quæstionem sit secunda conclusio. Ex Decreto expresso Tridentini non constat, quod Patronus laicus debeat eligere dignorem ad munus Parochiale, sed dignum, & idonum muneri; tamen intentio Tridentini mente, quæ ex alijs eius verbis colligitur, Patronus laicus

tene-

tenetur eligere dignorem. Prima pars constat ex citato cap. 18., vbi dicitur: *Quod si ius Patronatus laicorum fuerit, debeat, qui à Patrono præsentatus erit, ab eisdem deputatis (examinatoriis) ut supra examinari; & nō, nisi idoneus repertus fuerit, admitti. Vbi non petit magis idoneum, sed quod reperiatur idoneus.*

38. Secunda pars probatur. Nam quamvis solum requirat Tridentinū, quod Præsentatus à Patrono laico ad Parochiam, reperiatur idoneus, id ita decernit, ut vitentur lites, quæ contra ius Patroni exurgere possent, si non admitteretur præsentatus, prætextu querendi alterum dignorem. Ex alia vero parte, cum tot, tantaque requisita declareret opus esse ad munus Parochiale, quæ leguntur in eo cap. 18.; cumque res ipsa ex se ranti momenti sit in ordine ad salutem animarum, inde constat, etiam ex mente Tridentini, Patronum laicum, præmissa diligenti inquisitione, debere præsentare dignorem.

39. Confirmatur: nam ex mente Tridentini, qui non eligit dignorem, peccat mortaliter *communicans peccatis alienis*: Sed quod Patronus sit laicus, non tollit, quominus cooperetur peccatis alienis: ergo etiam Patronus laicus tenetur eligere dignorem. Neque obstat, quod Concilium in cap. 1. loquatur præcipue de electione Episcoporum: nam eodem modo (proportione servata) cooperatur peccatis alienis, qui eligit minus dignum ad Parochiam, quam qui eligit ad Episcopatum.

40. Circa tertiam, & præcipuam questionem sit tercia conclusio. Subiaceat huic damnationi, qui dixerit, vbi Concilium decernit, ad munus Parochiale esse eligendum dignorem, nomine dignoris intelligi dignum, sumpto comparativo propulsivo, aut intelligi non dignorem,

aut solum intelligi in concursu. Ratio est: nam licet demus, in eo cap. 1. agere Concilium dumtaxat de electione Episcoporum, & S. R. E. Cardinalium, tamen damnatio hæc condemnat interpretationem illam sinistram circa id verbum *Dignores*; cum ergo id verbum æque reperiatur in electione Parochorum in eo cap. 18., ac in cap. 1. in electione Episcoporum, damnatio etiam debet extendi ad interpretationem eius verbi etiam in electione Parochorum.

41. Obijcies contra primam conclusionem. Si ita stricte teneretur Episcopus eligere dignorem, sequeretur, quod si immediate post concursum, & examen factum, inveniret Episcopus aliquem dignorem reliquis oppositoribus, teneretur deferere omnes eos, qui vocati venerunt ad concursum, & eligere eum, qui denuo inventus est dignior: sed hoc fieri non potest sine iniuria eorum, qui vocati sunt ad concursum, propter cōtractum cum eis: ergo non ita stricte tenetur Episcopus eligere dignorem.

42. Respondet primo, casum esse metaphysicum, vtpote qui numquam contingit: tum quia omnes, qui se idoneos reputant, semper ingrediuntur concursum; tum etiam, quia etiam post examen reliquorum, potest Episcopus vocare ad concursum eum, quem reputat dignorem: tum præterea, quia difficile est cognoscere evidenter, illum esse dignorem, non probata per examen eius scientia.

43. Respondet secundo, quod dato quod aliquando contingat is causus, non tenetur Episcopus eligere illum repertum dignorem extra concursum: obligatio enim eligendi dignorem intelligitur sine violatione contractus initi cum opositoribus vocatis ad concursum, dummodo illi

PROPOSITIO

XXXXVII.

593.

illi sint digni, & ex illis eligatur dignior. Sic enim intelligendū est ius naturale obligans ad electionē dignioris.

44. Obijcies contra secundam Cōclusionē. Qui resignat Beneficium Curatum favore alterius, non teneatur resignare favore dignioris, sed sufficit, quod resignet favore digni; vt docent Reginaldus, Lessius, & Malderus, quos refert, & sequitur Diana part. 2. tract. 15. resol. 41. Quia resignans non est distributor, & ideo non tenetur servare iustitiam distributivam. Ergo eodem modo censendum est de Patron laico, maxime de illo, qui non est distributor plurium Beneficiorum, sed illius vnius Beneficij.

*Reginald.
Lessius.
Maldr.
Diana.*

45. Et quidem alia est mens P. Lessij, qui solum loquitur, quando non est magnus excessus dignissimi ad dignum: superaddit enim hæc verba: *Quamvis si multo dignior se offerat, vel in promptu sit, charitas boni communis obligat, ut hic preferatur. Ex quibus verbis formatur argumentum probans, resignatorem querere debere dignissimum, & si videat, hunc valde excedere, teneri resignare in favorem eius. Nam charitas boni cōmuni exigit, vt prouideatur saluti animarum meliori modo, quo possit. Nam, vt supra perpendimus, cum non facile inveniatur vnius, qui habeat omnia requisita, charitas boni cōmuni, & desideriū salutis animarū, vrgere debet ad hoc, vt eligatur, qui vltierius abundet eiusmodi requisitis. Et hinc constat ad argumentum, ne gandum esse antecedens; vt negat P. Vafq. Vafq. opusc. de Beneficijs cap. 2. §. 4. dub. 7. n. 100. Cum Soto, & Navarro. Et ad id, quod subiungitur, dicendum est, non nasci obligationem hanc ex iustitia distributiva, sed ex charitate, & desiderio, quod Beneficiarius habere debet salutis animarum.*

*P. Vafq.
Soto.
Navarr.*

(* * * * *)

DISERTATIO. XXIX.

An fornicatio, & mollities sint moraliter male, dumtaxat quia prohibite?

C A P V T I.

Proponuntur due propositiones damnatae, placitum Caracuelis, & aliquot prænotata.

SV. MARIVM.

Referuntur due propositiones damnatae.

num. 1.

Præsens questio est, an fornicatio, & mollities sint male ab intrinseco, an à sola prohibitione? Et quomodo

questio spectet ad præmissum. num. 2. Duplicem esse malitiam, Theologicam, & Philosopham; ex Caramuele.

num. 3.

Quomodo explicet Caramuel hinc dupl. malitiam? num. 4.

Hec doctrina Caramuelis non fiat cum doctrina S. Thome. num. 5.

An malitia Philosophica offendat Deum ut authorem naturæ. ibidem. Docet Caramuel, fornicationem, & molitatem non esse malas ab intrinseco, sed à prohibitione Dei. num. 6.

Fundamenta, quibus nititur. num. 6. & seqq.

Alia fundamenta eiusdem, vt probet, molitatem non esse malam ab intrinseco. num. 12. & seqq.

An idem censeat Caramuel de omnibus peccatis luxuria contra naturam. num. 15.

ffff

Pro-